

## D E P O N D E R I B V S

Attica sex esse Obolos, in Obolo Chalcos, id est, Aereolos decē, in Obolo uero Græcorum communi octo tantummodo Chalcos esse, Iul. Pollux libro nono, Paulus Aegineta, & cæteri tradunt, quo fit, ut Vncia Attica, quæ eadem cum Romana est, Chalcos habeat cccclxxx. cum Vncia Græca solos habeat ccclxxxiiij. Merito ergo Cornelius Celsus libro quinto, capite xvij. in Vncia Græca pondus septem Denariorū esse tradit, cum alioqui Latina & Attica Vncia Denarios habeat octo, tametsi nec eius ratio omnino quadret, quandoquidem id septem Denariorum pondus aliquanto grauius est Vncia græca, sed maluit Celsus paulo ampliorem modum dicere, q̄ leuiorem, quod fecisset, si sex Denarios in Vncia solos constituisset, contineret enim Chalcos præterea quatuor et uiginti. Eadem ratione factum est, ut cū Sextarius Romanus quindecim Vnciarum sit, ut supra dixi, Græci suo Sextario Vncias octo & decem attribuunt, quod uidelicet Vncia communis ipsorum nostra itemq; Attica leuior sit, in pondereq; decem & octo Vnciæ ipsorum, & quindecim nostræ fere nihil differāt. Et hæc de Vncia satis. Nunc de Libra uideamus, quam illi λιτραν dicunt, & minimū fuit ponderis

Libra.

deris